

ENGLISH CONGREGATION SCHOOL

(Mission veng, Aizawl,
Mizoram)

Mizo Short Story Writing

Hming : Amos Vanlalthlamuana

Class - VII Sec : A Roll No. 16

Nu hming : K. Vanlalparmawii

Phone no. 9402585301

Address : Bungkawn Tuikhur veng, V-33, Aizawl,
Mizoram



Edit with WPS Office

OLIVER-I LEH GILBERT-A

Hmanlai hian naupang pakhat Gilbert-a hi a awma, kum sawm vel a ni a, a nu chu Denise-i a ni a, a pa chu Mike-a a ni. An pathum chauh chuan an awm a ni. Gilbert-a chu chhungkaw hausa tak atanga lo kal a ni a, a chapo em emin a sual em em a. An sikul-ah te pawh naupang dang te chuan Gilbert-a chu naupang chapo leh sual tak a nih avang ten an kawm duh lova . Gilbert-a chuan thian kawm tur a nei ngai lova, churang chuan mahni a infiam te a zir a, amahin a tlei ve thei mai. Tum khat chu hmeichhe naupang hmeltha ve deuh, Oliver-i chu an class-ah chuan sikul dang atangin a rawn in transfer a, Gilbert-a chuan Oliver-i chu a hmeltha a ti em em a. Nikhat chu Oliveri chu a thiante nen an sikul bang ho chu an titi lai a lo ngaithlain a lo hria a, hmeichhe pakhat chuan Oliver i chu, "Oliver, i hmel a tha bawk sia, eng ang mipa nge i duh? Ka hre chak e," tiin a lo zawt a, Oliver-i chuan, " Kei chu mipa zaidam, fel, nunnem leh taima deuh ka duh, " a ti a . Chuta tang chuan Gilbert-a chuan a mizia chu thlak a tum ta a, naupang fel tak nih a tum ta a. , Tichuan tanpui ngaite a hmuh apiangin a tanpui zel a. Chutia naupang sual deuh atanga naupang



fel ve takah a chhuah thut chu a chhung te leh a classmate te chuan mak an ti hle a, awih lo te pawh an awm hial zawk a ni.

Gilbert-a chuan naupang fel tak a nih tumna kha Oliver-i vang ni mah se, midang te tanpui te chu a nawm zia leh a hlimawm zia te a hre ta a. Chuta tang chuan thian te pawh a nei teuh a. Tum khat chu, Gilbert-a chuan Oliver-i chu mipa dang nen hlim taka an kal lai chu a lo hmu, a rilru chu a na em em a, an inah pawh a nu leh pa te chuan a lungawilo hmel chu an hmuh chuan thil awmzia an zawt a, mahse engmah a sawi duh chuang lova. A khuma a mut lai pawh chuan, a mitthlaah a hmuin a rilru in Oliver-i leh mipa pakhat chu a ngaihtuaha, "A bialpa ami le?" "tih ten a ngaihtuaha, zan khua chuan mut kham loh takin a ngaihtuah ta reng mai a. Zing a lo nih chuan sikul a kal a, class-ah te chuan a mu thlu a, an zirtirtu chuan lehkha a zir nasat avangin a meng rei anga, mut a kham lo aniang a ti a, a mut tir tawp a. A hnu chuan Gilbert-a chuan Oliver-i chu a star thu hrilh a tum ta a. Oliver-i chu a ko hrang a, a star tih chu a hrilh tawp a, Oliver-i pawh chuan, "Keipawn ka star che," a tih chu mak a ti hle a, "Anih tunge hmanna mipa i kalpui pa kha?" tiin a zawt a, Oliver-i chuan, "Ka unaupa a nih kha," a tih chu Gilbert-a chu a zak ta em em a, Oliver-i chu a lo nui tawp. Chuta tang chuan an pahnih chuan an inhmu ziah a, midang te pawh chuan an inhmeah an ti em



em a ni. Hun a lo liam zela, Oliver-i leh Gilbert-a te chu an puitling ve tawh a. Ni khat chu, vanduaithlak takin Oliver-i chu motor tlan chak deuh chuan a lo su a, thi lo mah se motor chuan a su na hle a damdawi inah chuan a an admit vat a, Gilbert-a chuan a hriat chuan a mangang hle mai a, rang thei ang berin damdawi inah chuan a va kal a, Oliver-i chu a va hmuh chuan nikhaw hrelovin a lo awm a, doctor chu thil awmzia a zawh chuan doctor chuan,"Kan tih theih tawh zawng zawng chu kan ti tawh a,vanneihthlak takin a nunna atan chuan a hlauhawm lova, mahse a kein a kal theih chu a rinawm lova, wheelchair-ah a dam chhungin a thut a ngaih tawh hmel,"tiin doctor chuan a lo ti a, Gilbert-a lung chu a awi vak lova, mahse tih theih a nei chuang lova, beidawng tawkin a haw daih mai a. Gilbert-a chuan Oliver-i tan chuan eng pawh tih a huam a, a kal leh theih nan a theih tawp chu a chhuah a, treatment chi hrang hrang a tih loh leh khawvel a doctor tha ber ber a rawih pawn a Oliver-i chuan hmasawn na reng reng a nei lova. Chuvang chuan a hmangaih ber chu wheelchair-ah a thut a ngai ta si a, mahse Gilbert-a a chu a la beidawng chuang lo, mahse an company ah CEO hna a chelh avang leh company rochun tu tur a nih avangin a hna lampang a ngaihtuah a ngai a chumi chhung chuan Oliver-i chu nu leh pa nei lo fahrah a nih avangin enkawltu tur a ruah sak a chumi chhung chuan a niin company lampang a enkawl a ni. Chutiang chuan



hun a lo liam a Gilbert-a te company chu a hma aiin a hlawhtling em em a chuanin a mah pawh hi khawvel puma CEO hmeltha leh hlawhtling ber ni a hriat a lo nihphah ta hial a ni, mahse hemi vang hian Gilbert-a chuan a hmangaih ber Oliver-i chu theihngihl lovin hetih lai hun hian buai viau mahse a hun awl ah chuan Oliver-i bulah a hmang tlat zel a, Oliver-i pawh chuan a ke chu a tirah tuar thiam lo hle mahse a bulah a hmangaih ber leh a chhungte an awm reng avang chuan thil pawh a tuar thiam chho ve zel a, chhungte nei lo mahse Gilbert-a chhungte chuan an fanu tak tak angin a en avang leh an fuhna avang chuan fahrah a ni tih pawh a hre tawk tawk a. Engkim chu a tha zawngin a kal chho zel a mahse a sawi dan chuan thil hi a kal tluan loh lutuk chuan thil tha lo a thleng duh an ti a chu thil tha lo chu eng chiah nge a nih dawn tih ka thlir leh dawn nia. Nikhat chu Gilbert-a chuan a hna thawh naah a secretary chu chhungkua harsat na avangin a ban a ngai hlauh mai a Gilbert-a chuan a rang thei ang ber in secretary thar tur a zawnga mipa kher a duh avang chuan a mi duh ang chu hmuh an vang hle a secretary a mamawh na a sang em avang chuan hmeichhia a rawih a ngai ta mai a, Jessica tih chu a ruai ta a, a hmel chu a tha in a pian a nalh em em a, an mipa hnathawk te hmeltha tihrawn a lo ni ta hial a, Gilbert-a nen chuan hna an thawk nasa em em a an company in hralh theih hun lai tak a nih avangin leh an



buai em avangin Gilbert-a chu inah haw na hun a nei lova company a riak thin a ni nga lai a rawn la hawi loh avangin Oliver-i chuan a ngaihtuah em em a, Gilbert-a a chuan rawn be thin mahse pawn lam thil a ei nasat em avangin a hriselnain a tuarh phah a hlauva. An eitur siamtu chu eitur tui tawk tawk a siamtir a, pe tur in kal a tum chu a nu leh pa chuan a hriselna a that loh avang leh a kal theih loh avang chuan ina awm turin leh midang an tirh mai tur thu an sawi pawn Oliver-i chuan a duh lova a mah ngei in pek a duh avang chuan a kal lui tho va, a thleng hma chuan Gilbert-a chu a phone a mahse meeting-a a kal avang chuan a phone chu a office ah a theihnghilh a pick up theih lova Oliver-i chuan a ngaihtuah zual phah a company a thleng receptionist nu hnen ah chuan a bialpa chu a em em tih a zawt a, an meeting thu a lo hrih avang chuan a office lamah a kal a ngai a Gilbert-a office hi 1st floorah a awm avangin amah a wheelchair a in nawr chu a buaithlak dawn em avangin an driver chuan a nawr a Gilbert-a office an thleng chuan a office ah chuan tu mah an lo awm lova rei tak a lo nghak a, khawngkhar rawn in hawng chu a hriat Gilbert-a nih a ringin a lo lawm hman mahse hmeichhia hmeltha tak pawnfen chhing tak ha chu a hmu a chu nu chuan tu nge i nih a tiin a zawt a Oliver-i chuan aw dam tak hian Gilbert-a a bialnu ka ni a a ti a mahse chu nu chu mak tak mai hian a nui vak a, dawt sawi suh keimah hi lo



Gilbert-a a bialnu chu a secretary ka ni bawka a hun tam tak kan hmang dawn a tuna i thut na ah te khan zan tin in kuah in kan mu dun thin a sin a ti a chu thu a hriat chuan Oliver-i chu rilru a na em em lungin a den ang mai hian a rilru chu a na a, an driver lo awm ve chuan i zak lo a mi ka pi hi lawm

Pu Gilbert-a bialnu dik tak chu kum 8 chung an in ngaizawng tawh a, inneih pawh an inneih tep tawh tiin a pi chu a lo chhan a, mahse Oliver-i chu a rilru a nat em avang chuan an driver hnenah chuan haw pui tur in a hrilh a an driver chuan a hnial buai theih loh avang chuan a haw pui ta a chutih lai tak chuan Jessica-i chuan an kal liam hnu chuan Oliver-i tiffin box lo ken chu a en a chuti lai tak chuan Gilbert-a chu a lo lut a Jessica-i chu insiam tha sawk sawk in,"Pu Gilbert i bialnu a lo kal a hei tiffin a rawn ken sak che a nichin lawk khan a haw a i rawn nang hman ta lo a ni e,"a ti a. Gilbert-a chuan a hmangaih takin thei leh thei lovin a ta tur bik te a tiffin a rawn keng tih a hriat chuan a lawm em em a, tiffin a ei pah chuan a chauhna zawng zawng chu dam veng ang hian a hria a, a bialnu chu a phone dawn a mahse phone chu a la thei ta miah lova Gilbert-a chu a rilru a hah tan ta em em a, a nu leh pa a call a mahse a rin loh tawkin a nu chuan Oliver-in in a chhuah san thu leh a lo haw khan a tah vak thu a lo hrilh a. Chu thu a hriat chuan Gilbert-a chu a hrilh hai em em a, a motor chahbi chu laiin a tlan a chutia a tlan lai chu



Jessica-i chuan lo hmu in a rilru chuan, "Ka plan chu a thawk tan e, "a ti a a lo nui veng veng a. Gilbert-a chu in a thlen chuan rang takin Oliver-i room ah chuan a tlan lut a mahse a bungruah engmah a lo awm tawh lova. Khumah chuan lehkha thawn hi a lo hnawtchhiah a chu lehkha thawn ah chuan ti hian a in ziak a, "Gilbert ka hmangaih he lehkha thawn hi i chhiar chuan in ka chhuahsan tawh tih na a ni ang. Ka chungah i that na avang khan ka lawm lutuk a ka rul seng ngai lovang che, engpawh nise i tan chuan engpawh tih ka huam a chuvang chuan i hmangaih dik tak nen hlim taka in awm theih nan ka chhuah san ta che u a ni. Hlim taka i hun i hmang ka beisei ka hmangaih reng ang che " chu thu a chhiar chuan Gilbert-a chu a hrih hai em em a thil hriat sual a awm niin a hria a chuvang chuan Oliver-i driver chu thu a zawt fiah a thu dik a hriat chuan Gilbert-a a thinrimna pawh a nasa em em a rang takin motor chu khalh in an company lampang ah chuan a kal a, a office a thlen chuan Jessica-i chu sofa ah hna lo thawk mekin Gilbert-a a hmuh chuan a tho a, biak thil sawi a tum chiah chu Gilbert-a chuan "Engtin nge i theih zawk Jessica ka ring ve em em chia ka farnu ang maiin ka en che a hetiang hian min lo bum ang tih nachang ka hre miah lo hmeichhia chu ni lo lang chuan kut ka thlak hial ang che mahse mipa dik tak chuan hmeichhia chu kut a thlak ngai loh avangin ka insum ang, e chuan i chanchin hi ka chhui



chiang a spy i ni tih pawh ka hmu chhuak a engtin nge i theih zawk" a ti a Jessica-i hlau lutuk chu tlan chhiat a tum a, mahse police te chuan an lo man a, jail-a kum tam tak a tan phah dawn a ni. Gilbert-a chuan a theih pa tawp chhuahin Oliver-i chu a zawng a mahse a zawng hmu zo thei lova. Oliver-i chu kawng a cross pah chuan car tlan lai chuan vanduaithlak takin a su hlauh mai a, chu car chu mi hausa ve deuh nupa pitar leh putar pahnih te car a lo ni a, Oliver-i chu a rang thei ang berin damdawiinah chuan an kal pui a, Oliver-i harh hnu chuan a chhungte chungchang an zawt, Oliver-i chuan a hming bak engmah hre lo derin a awm a, pitar leh putar chuan an khawngaih em em a, fa an nei theih loh nen, Oliver-i chu fa angin an la lut deih a ni. Kum khat vel liam hnu chuan mak tak maiin, Oliver-i chu a lo kal ve thei tawh a, a hmel te pawh chu makeup hmang te chuan a lo thlak danglamvek a, a hairstyle te pawh a lo thlak danglam vek a, Oliver-i chu amah hre tu te pawn an hai tur khawpin a in thlak danglam a. Oliver-i fanu anga la luttu pitar leh putar te chu vanduaithlak takin an lo thi tawh a, an company chu Oliver-i chu an pe deih a. Tum khat chu hna an thawh laiin company dangin Oliver-i company chu thawhpui turin an lo sawm a, chu company chu Gilbert-a te company a lo ni a, chu chu Oliver-i chuan a hriat chuan a tirah chuan thawhpui a duh lo a, mahse phuba lakna chance tha a ni tih a hre chhuak a, thawhpui chu rem a ti



ve mai a. Gilbert-a leh Oliver-i te chu an inhmuh chuan Gilbert-a chuan Oliver-i chu khawiah emaw ni a hmu tawhin a hria a, "Inhmuhna kan nei tawh em? " a ti a, Oliver-i chuan a nihna a sawi chhuak duh lo chu, "Kan vawi khat inhmuhna a ni hi " a ti a, Gilbert-a chuan a lo awih ve tawp mai a. Tichuan rim takin an thawk dun a, Oliver-i chuan a ruk te chuan Gilbert-a office-ah chuan a lut a, Gilbert-a thiltih sual zawng te document-a a in ziak chu a zawng a, mahse document pakhat mah a hmu thei lova. Chutia a zawn lai chuan Gilbert-a rawn lut lai chu a lo hria a, a rang thei ang berin dawhkan hnuaiah chuan a biru a. Gilbert-a chuan thil phe zawk a hmuin a hria a, dawhkan bulah chuan a va kal phei a, dawhkan hnuai a en dawn chiah chuan a secretary pakhat chuan meeting turin a lo ko a, Oliver-i chu Gilbert-a kal hnu chuan dawhkan hnuai atang chuan a rawn chhuak, a rang thei ang ber chuan office chu a chhuahsan ta a. Chumi hnu chuan Oliver-i chuan private investigator hnenah Gilbert-a jail-ah a tan theih nana evidence zawng tur chuan a tir a, thla khat hnu chuan private investigator chu Oliver-i hnenah chuan evidence engmah a zawng hmu thei tiin a hrih a, Oliver-i chuan mak a ti em em a, mahse a beidawng duh lova,private investigator chi hrang hrang te chu a chhui tir zela,a sum neih zawng zawng te chuan khawvela private investigator tha ber ber te chu a chhui tir zela,mahse



tumahin an zawng hmu thei lo a, private investigator pakhat chuan, "Ka pi, kan zawn hmuh thei loh chhan chu a awm loh vang a ni mai thei" a ti a, a ring hlelh ve tan a. A hnuah chuan hnathawk tura an in hmuh leh chuan Gilbert-a chuan Oliver-i chu tunge a nih a zawt a, Oliver-i chu a lo hre thiam miah lo a, Gilbert-a chuan, "Hrethiam lo der suh, ka office-ah thil i zawn lai CCTV-ah a lang vek, private investigator pawh min chhui turin i tir tih pawh ka hre vek, tunge i nih, sawi nghal rawh" tiin a vin a, Oliver-i chuan thudik chu sawi a hun tawhin a hria a, "I nupui neih mai tur tlan bo daih Oliver-i kha keimah hi ka ni, Jessica-i nen in mu dun tih ka hria a, mahse nangmah ka ngaihtuah che a, i hmangaih tak tak nena hlim takin in awm theihnan ka tlan bo san daih che asin" a ti a, Gilbert-a chuan, " Engkim i hresual a nih chu, Jessica-i kha ka mutpui reng reng lo, dawt a sawi a nih kha. Jessica-i kha company dang spy a nih kha, police hnenah ka man tira, rei tawk jail-ah a tang dawn" a ti a. Oliver-i chuan, "A nih ngati nge zanah te i rawn haw ngai loh? " a ti a, Gilbert-a chuan hna an thawk a ni tih a lo hrilh a, Oliver-i chu a kuah pah a, "Ka ngai lutuk che asin, tlan bo tawh reng reng suh" a ti a, Oliver-i chuan a kuah let a, " Kei pawn ka ngai lutuk che" a ti a. Tichuan inah an haw a, an company pahnih te chu company pakhatan an zawm duna, kum khat a liam hnu chuan an innei a, mi te chuan an lawm pui em em. Tichuan an upa telh telh a, fate



an nei a, an fate pawh chuan fa an nei chhawng leh zel a,
an vai chuan hlim takin, nuam takin an awm dun ta a.



Edit with WPS Office